

SOKNERÅDSTMØTE GLOPPEN SOKN



Torsdag 5.mars 2020

Til stades: Arne, Vidar, Oddhild, Laila, Bjørn, Hege, Åslaug, Berit. Innleie om sak: Jan Ove Kornberg var med for å orientere i sak 23/20.

Opningsord ved Hege

REFERATSAKER

Sak 18/20 Godkjenning av innkalling

Leiar påpeikar at vi må setje ein tidsfrist for å sende inn saker til soknerådsmøta.
Soknerådet godkjenner innkallinga.

Sak 19/20 Godkjenning av protokoll frå sist møte

Det må stå Gloppen sokn på referatet og sekretæren må skrive under det. Sekretær skal sende ut referat, først til Vidar og leiar, deretter i følgje liste. Vi kan bruke ein fast heading med bildar av kyrkjane på referata.

Soknerådet godkjenner protokoll frå sist møte.

VEDTAKSSAKER

Sak 20/20 Val av to nye representanter til rådet for "Stiftinga for kyrkjelydsarbeid i Gloppen"

Vedtak: Gloppen sokneråd vel Berit til representant til rådet for stiftinga. Ho spør også Gunhild Å. Nedrebø om å vere den andre representanten. Om ho ikkje kan, får AU fullmakt til å velje representant.

Sak 21/20 Årsmøte 8.mars i Vereide kyrkje

Praktisk organisering:

- Kyrkjekaffi med tre bord i midtgangen, sånn som sist. Arne organiserer bord og kopper. Det må stå på facebook-arrangementet at folk tek med kopp.
- Vidar prøver å få til link frå FB-arrangementet til årsmeldinga på nettsida.
- Berit utfordrar kyrkjekoret på å ta med mat og kaffi. Soknerådet tek med kaffi. Åslaug tar med frukt, Vidar tar med bollar.

- Vi tar om lag 20 min pause mellom gudstenesta og årsmøtet.
- Berit skriv ut nokre eksemplar i A4 og nokre i A5. Kyrkjebladet har ikkje levert årsmelding, men det kan kome etter.
- Berit er soknerådet sitt framlegg til møteleiar. Ho seier litt om årsmeldinga til soknerådet, Harald Aske vil seie noko kort om kyrkjekoret. Dei andre undergruppene som har årsmelding som skal vedtakast kan få 3 minutt til å orientere, om dei ønsker det. Berit sender dei ei tekstmelding om dette.
- Hege og Laila tel kor mange som er til stades på årsmøtet. Vi må velje to til å skrive underskrive protokollen.
- Berit orienterer om dugnadskort.

Sak 22/20 Dugnadskort

Dette skal vi jobbe meir med og ta i bruk så fort som råd. Berit har laga ei utforming med oppgåver, og soknerådet kom med nokre fleire innspel. Utkastet er lagt ved referatet. Vi må få ut informasjon om dette både på nett, under kunngjeringar i gudstenester, som informasjon i kyrkjebladet og på årsmøtet.

Sak 23/20 Forslag til endring av «Stiftinga for kyrkjelydsarbeid i Gloppen»

Jan Ove Kornberg orienterte om saka. Presentasjonen hans er vedlagt.

Arne ba om ei vurdering av habilitet, sidan han sitt i styret for stiftinga. Soknerådet vurderer det slik at sidan han ikkje er ugild, sidan han vart utpeikt av førre sokneråd til å sitte i styret.

Det kom spørsmål om det kan bli bruk for ei stifting til å ta opp lån i samband med ombygging av Sandane Kyrkje. Svaret var at det kan vere fornuftig å heller pusse opp etter kvart, med innsamla midlar. Fellesrådet kan elles ta opp lån om det trengs.

Pengar frå stiftinga blir i dag delt ut etter søknad. Døme på formål pengane har gått til er støtte i samband med KRIK-samling og Soulchilderensamling. Det vil vere same prosedyre for tildeling av midlar vidare. Stiftinga har over ein million på konto no, inntekta kjem frå loppe- og svelesal på Sandanedagane.

Vedtak: Gloppen sokneråd støtter framlegget om å legge ned «Stiftinga for kyrkjelydsarbeid i Gloppen» og organisere arbeidet på ein anna måte. Soknerådet ber om å få forslag til vidare organisering som eiga sak. Vedtaket var einstemmig.

ORIENTERINGSSAKER

Sak 24/20 Referat frå møtet med Møtepunkt B

Berit refererte frå møte med representantar frå Møtepunkt B. Soknerådet vil få samarbeid med Møtepunkt B som eiga sak på aprilmøtet.

Sak 25/20 Gudstenesteutval

Vidar orienterte frå møte i gudstenesteutvalet:

- Gudstenesteutvalet ønsker å få til meir deltaking frå barn i vanlege gudstenester, -at dei skal få oppgåver og vere synlege. Det kan vere å ønske velkommen, lese forbøn eller tekst eller andre oppgåver som medliturgane har.

- Vi må innarbeide at folk tek med seg kopp i kyrkja. Då kan dei få kaffi når dei kjem, og ta med seg kaffikoppen i benken.
- Vi ønsker å få til ei ordning der folk som ikkje har bil kan få skyss til gudsteneste. I dette må vi ha fokus på flyktningar, ein del av dei har ikkje bil.
- Barnekroken i Vereide kyrkje er for liten. Ei gruppe barn har skreve brev til soknerådet med forslag om å fjerne to benkar og setje inn større bord og stolar. Dei ønsker seg også litt nye teiknesaker og leikar. Soknerådet ønsker å få til dette, og sekretæren skal gi barna eit svar på brevet. Vi må setje opp ei eiga sak om dette på aprilmøtet. Det må truelg gjerast eit arbeid opp i mot riksantikvaren for å få lov å fjerne benkar. Teiknesaker er lettare å ordne, -kanskje nokon til og med vil sponse det?

Sak 26/20 Tangentinstrument Sandane kyrkje

Vidar orienterte om at det er samla inn 27 000 kr i minnegåve til dette formålet, og det er sett ned ei nemd som skal jobbe med saka. Det er midlar frå andre minnegåver også som kan brukast til dette.

Sak 27/20 Diakoniplan Gloppen sokn

Gunhild og Oddvar kan lage eit forslag i lag med diakon.

Sak 28/20 Rekneskap og forslag til budsjett for Gloppen sokn

Arne orienterte. Soknerådet kom med forslag:

- Auke «fast givarteneste» frå 80 000 til 100 000
- 5000 kr til lyktestolpe i Trivselsskogen der det skal stå: «Fiat lux» Gloppen Sokneråd
- 15 000 kr til oppgradering av barnekroken i Vereide kyrkje.

EVENTUELTT

Sak 29/20 Orientering om søkerar til kantorstillinga

Bjørn orienterte. Soknerådet ønsker at det under intervjuet skal fokuserast på innslag frå barn og andre ikkje-profesjonelle aktørar under gudsteneste.

Sak 30/20 Kyrkjebladsfest 19. Juni

Vidar og Oddhild orienterte.

Neste møte

Neste møte er 24. april, frist for innsending av saker er 3. april. NB: frist for innsending av saker vart endra av AU etter soknerådsmøtet. Det er viktig at vi held denne fristen!

Åslaug Haugset, sekretær.